

SYNODVS DIOECESANA

Celebrata de mandato Eminentiss. & Reuerendiss. Domini
D. GASPARIS S. R. E.

CARD. BORGIAE.
EPISCOPI ALBANENSIS.

A IO. CAROLO ANTONELLO VELITERNO
Sac. Theol. Philos. & V. I. Doct. ac Proth. Apost.
eiusdemq. Eminentissimi, & Reuerendiss.
Dñi Cardinalis Episcopi Vic. Gener.




BIBLIOTHECA NAZ.
ROMA
VITTORIO EMANUELE

VELITRIS, Apud Alphonsum de Isola, M. DC. XLII.

Superiorum Permissu.

Imprimatur. Si videbitur Dom. Canonico Depus.
Ant. de Federicis Vic. Gener.

Imprimatur.
Io. Baptista Catellina Canonicus Deputatus
pro Reuerendis. P. Mag. Sac. Pal. Apost.





G A S P A R

Miseratione Diuina Episcopus Albanen.

S. q. R. Ep.

C A R D. B O R G I A.




VO S cœlestis sapientia Pastores esse voluit, eorum tanta, tamq. grauis sollicitudo esse debet, vt in ijs, quæ ad Dei cultum, atque morum emendationem, & Christianæ pietatis restitutionem pertinent, non voluntas, non diligentia, non denique pietas illorum vlllo loco desiderentur. Quare Nos eo Pastoralis officij spiritu excitati pro moderandis moribus, corrigendis excessibus, ac controuersijs componendis, ad Tridentinæ sanctioris præscriptum, Synodum nostram Diœcesanam indicere decreuimus, quam hoc Anno die 18. Aprilis in Cathedrali Ecclesia celebraturi sumus. Omnibus igitur, ac singulis, qui in Ciuitate, & Diœcesi nostra beneficia quæcumque Ecclesiastica, etiam sine cura obtinent, quique sacris Ordinibus insigniti sunt, atque alijs omnibus tam Sæcularibus, quàm Regularibus, qui de iure, aut consuetudine interesse debent, futuram nostræ Synodi celebrationem per præsentem significamus, ac denunciamus, eisdemque præcipimus, sub pœnis à Iure statutis, atque alijs arbitrio nostro,

ut Clericali habitu , ac superpelliceis induti dicta die
summo manè in Ecclesia Cathedrali conueniant , atque
interfint, indeq, ante dimissam Synodum nõ discedant .
Volentes præterea , quod hoc præsens Edictum in locis
solitis affixum liget , & arctet omnes , ac si cuilibet fuis-
set personaliter intimatum . In quorum fidem, &c.

Datum Albani ex Aedibus nostræ Residentiæ hac die
18. Martij 1641.

Carolus Antonellus Vic. Generalis

G. Vitalis Canonici, & Cancellarius.



HÆC SYNODVS

**Ob absentiam Eminentissimi, & Reuerendiss. Domini
CARDINALIS BORGIAE, Episcopi Alba-
neni celebrata fuit de speciali mandato à Perillustri,
& Reuerendiss. D. Io. Carolo Antonello, Nob. Veli-
terno, V. I. nec non Philosophiæ, & Sac. Theologiæ
Doctore, eiusdem Eminentiss. D. Cardinalis Episcopi
Vicario Generali, die 18. Aprilis 1641.**

GASPAR Miseratione Diuina Episcop. Albanen.

S. R. E.

CARD. BORGIA.

VNIVERSO CLERO CIVITATIS, ET
Diœcesis Albanen.

SALVEM IN DOMINO.

PIE, ac sapienter sancta Tridentina Synodus (Duce
Spiritu sancto) Ecclesia utilitati consuluit, cum in qua-
libet Diœcesi Synodum ab Episcopis sepe celebrari præscrip-
sit; hac enim ratione facillime moderantur mores, corrigun-
tur excessus, controuersie componuntur, ac sacrorum Cano-
num Decreta in usum reuocantur. Vt igitur Christiana pie-
tas, atque Ecclesia auctoritas, ac dignitas, Populique Nobis
commissi disciplina perpetuo conseruetur, hanc nostram Diœce-
sanam Synodum, Diuina adiuuante gratia, indiximus, in qua
ea omnia, quæ ad morum emendationem, & ad Christiane
pietatis restitutionem, atque amplificationem duximus pertinere,
ab omnibus seruanda proponimus. Illud autem optamus,
ut has, quas edimus Constitutiones, eo, quo debetis diligentia,
& obedientie studio, exequamini, ut vestro etiam exemplo
ceteri ad imitationem virtutis incitentur. Valete.

DE.

DECRETA

EDITA IN SYNODO DIOECESANA

ALBANEŒ.

NOS GASPAR Miserat. Diuina Episc. AlbaneŒ.

S. R. E.

CARD. BORGIA.

AD DEI OMNIPOTENTIS,

Beatæq. Mariæ semper Virginis, ac Sancti Martyris PANCRAII
Patroni nostri laudem, hæc pro Christianæ morum disciplinæ
reformatione decernimus, statuimus, ac
sanctimus,

CONSTITUTIONVM SYNODALIVM.

PARS PRIMA.

De Sacramento Baptismi. Cap. I.



SACRAMENTO Baptismi initium sumimus, ex quo reliqua Sacramenta, ac nostra Fides, aliæq. omnes virtutes, tamquam à fonte deriuantur.

Hoc igitur Sacramentum in Ecclesia perpetuè ministratur, non autem ante Solis ortum, nec post eius occasum, sine nostra, aut Vicarij Generalis licentia, nec unquam differatur, ultra octo dies, aliàs parentes sententiam excommunicationis incurrant.

Baptizandis nomina tantum Sanctorum imponantur,

tur , vt quorum sequuntur nomina , eorum etiam actiones imitentur .

Nemo domi baptizetur , nisi vitę periculū immineat .

Parochi autem diligenter doceant Obstetrices ea omnia , quę ad huiusmodi Sacramentum pertinent , atque horum ignaras , seu indociles , quęque facultatem huiusmodi officium exercendi à Vicario General. in scriptis non impetrauerint , ab eodem officio repellant .

Parentes etiam , ac Nutrices admoneant , vt infantes ab eorum lecto , saltem per annum separent , eosq. incunis retineant , vt omne suffocationis periculū euitetur .

Vnus tantum siue Vir , siue Mulier , vel ad summum vnus , & vna baptizatum de Baptismo suscipiant , qui etiā moneantur à Parocho de cognatione , quam contrahunt , ac de obligatione docendi baptizatum præcipua Christianę fidei mysteria .

Parochus librum habeat , diligenterq. custodiat , in quo Baptizati , Parentum , & Compatrum nomen , cognomen , diemq. natiuitatis , ac baptismi , & an ex legitimis nuptijs procreatus sit , describat .

Excommunicati , aut publici peccatores , quiq. eo anno Communionis præcepto non satisfecerint , ad suscipiendum de sacro Fonte baptizatum nunquam admittantur .

De Sacramento Confirmationis . Cap. II.

Parochi , animarumq. Curatores ante denuncient tempus , quo sacrum Chrisma ministrandum erit ,

ac

ac populum doceant, quanto Religionis studio suscipiendum sit hoc Sacramentum.

Videant item, ne adulti tantum Sacramentum, nisi præuia peccatorum confessione, suscipiant, atque nè minori septennio præbeatur.

Curent insuper, ut nemo hoc Sacramentum reiteret, neque habita præsertim opportunitate illud suscipere prætermittat, atque etiã Patrinum de cognatione spirituali admoneant, nè ignorantia vlla excusari valeat.

Patrinus autem vnus tantum esse debeat, siue Vir, siue Mulier, nec admittatur publicus peccator, aut excomunicatus, quique in Palchate præceptum Cõmunionis non adimpleuerit, ut supra de Baptismo dictum est.

Habeant item librum, in quo confirmatos, & Com-patres describant, seruatis cæteris omnibus, quæ in præcedenti titulo præscriptimus.

De Sacramento Penitentia. Cap. III.

OMnibus Confessarijs, tam Sæcularibus, quàm Regularibus quibuscumque præcipimus, ut sacramentales Confelsiones, tam virorũ, quàm mulierum in Ecclesia, ac in sedibus Confessionalibus, ad id deputatis, & non alibi audire præsumant absque licentia Vic. Gen.

Excipimus tamen Ecclesiasticos Principes, locorumq. Dominos in temporalibus, omnesq. infirmos, qui propter infirmitatem ad Ecclesiam accedere nequeunt.

Eos etiam, qui, aut surdi sunt, aut crassioris auditus, quicquid his similibus detinentur impedimentis, Sacerdo-

tes item, & Clericos Ecclesiæ inferuientes, quibus ut in Sacristia, aut alio Ecclesiæ decenti, & patenti loco Sacramentum huiusmodi ministrari possit, indulgemus.

Mulierum ægotantium Confessiones, cuiuscumque illæ fuerint ætatis, non audiant ostio cubiculi, ybi decumbunt, penitus clauso,

Item non audiant mulieres ante Solis ortum, vel post eius occasum, confitentes in Ecclesia, nisi ex aliqua necessaria causa, nèue vlllo modo extra sedē confessionalem.

Dum audiunt Confessiones infirmorum in priuatis domibus, Parochum eodem die certiore faciant, aut saltem domi fidem auditæ Confessionis dimittant.

Socius criminis in eodem crimine sibi socium ne absoluat.

Nemo siue Parochus, siue quiuis alius Confessarius, etiam Regularis in iplo Sacramenti Pœnitentiæ, aut Eucharistiæ ministerio, ne à spontè quidem dantibus quidquam accipiat.

Qui verò hæc nostra Decreta, siue Prohibitiones scienter contempserint, ab audiendis in posterum Confessionibus, eo iplo sint suspensi.

Sciant etiam Confessarij Sæculares cum stola violacci coloris, ac superpelliceo, Regulares verò cum stola in Ecclesia hoc Sacramentum ministrare debere.

Videant item, ne quem absoluant, qui vel odium, aut inimicitiam deponere nolit, seu reculet pro facultate restituere alienum, vel à statu peccati mortalis discedere, aut occasionem peccati vitare paratus non sit.

Et

Et quia custoditum semper in Ecclesia Dei fuit, ac ipsa etiam Tridentina Synodus approbavit, ut atrociora quædam, & grauiora delicta, non à quibusuis, sed à solo Episcopo in sua Diœcesi absoluerentur, idcirco Nos tam laudabile sequentes institutum, horum, quæ infra explicantur, criminum absolutionem Nobis, & Sedi Episcop. ac Vicario Gener. tantummodo reseruamus, omni alia Prædecessorum nostrorum reseruatione sublata.

Casus Episcopo Albanensi reseruati.

- 1 Blasphemi ex consuetudine, vel hæreticales.
- 2 Abutentes Sacramentis, rebusq, sacris ad magicas artes, veneficia, superstitiones, & alia huius generis.
- 3 Homicidium voluntarium committentes.
- 4 Abortum procurantes, etiam fœtus inanimati.
- 6 Incestuosi in primo, vel secundo gradu consanguinitatis, vel affinitatis, & in cognatione spiritali.
- 6 Sodomitæ, & cum brutis cocuntes.
- 7 Habens copulam carnalem cum sponsa ante matrimonium in Ecclesia celebratum.

- 8 Fallum in Iudicio deponētes in alterius præiudicium.
- 9 Notarij nõ reuelātes Nobis Legata pia post mortem.

Confessarij itaque tam Sæculares, quàm Regulares, suum in Bulla Cenzæ Dñi, atque horum, quos supra Nobis reseruauimus, tabellam in ledibus Confessionalibus affixam semper retineant. Parochus autem initio Aduentus, & Quadragesimæ cuiuslibet anni Casus prædictos in Bulla Cenzæ, ac etiam à Nobis, ut supra reserua-

tos inter Missarum solemnia Populo denunciēt, atque
distinctè declarēt.

De Sacramento Eucharistia. Cap. IV.

INter cætera Sacramenta nullum est, quod cum Sanctissimo Eucharistia Mysterio, quod ipsum sanctitatis continet Auctorem, possit comparari; nihil enim habet Ecclesia hoc Sacramento dignius, nihil admirabilius, nihil sanctius. Vndè, & nulla grauior alicuius sceleris animaduersio à Deo metuenda est, quàm si tantum Sacramentum quis indignè susceperit, cum eo casu Corporis, & Sanguinis Domini sit reus. Vt igitur fidelis Populus iustissimam Dei iram effugiat, Parochi diligenter exponant, qua deuotione, & præparatione accedere quisque debeat ad tantum Sacramentum, quam admirabiles item illius fructus sint, quanta vis, ac dignitas, quantaque illi supplicia sint parata, qui indignè suscipiunt.

Publicè criminosi, manifestèq. infames, vt Meretrices, publici Concubinarij, Fœneratores, & alij id generis publici facinorosi homines semel ad Pœnitentiam, & Communionem admissi, si postea in eisdem peccatorum sordibus hærere cognitum fuerit, amplius ad sacram Communionem non recipiantur, nisi Parochus, qui eorum curam gerit, eos vitam, & mores emendasse re ipsa perspexerit.

Reus capitedamnatus, quo die pro Viatico Sanctissimum Domini Corpus sumpsit, à Iudicibus ne eo die ob reuerentiam supplicio afficiatur.

Curet insuper Parochus, vt Pueri, qui ad annos discretionis peruenerint, quique sciât discernere inter bonum, & malum, ac diiudicare Corpus Domini, sacram Communionem sumant, quod, vt rectius fiat, à Parentibus primum de eorum pietate, & ingenij præstantia, vsque rationis perquirat, eosq. ante aliquot dies examinet, & de vi, ac ratione huius Sacramenti diligenter instruat.

In Ecclesijs etiâ Regularium, & Confraternitatum Laicorum hoc Sacramentum non exponatur sine causa, à Nobis, seu Vicario Generali approbata. Quia in re omni studio curent Ecclesiarum Rectores, aut Ministri, vt Altaris, seu Cappellæ, vbi exponetur, ornatus decens sit, & religiosus; cerei ad minimum sex assidue colluceant, atque ad Altare Clerici duo, aut saltem vnus, cum superpelliceo semper assistant.

Consecratæ particulæ Hyberno tempore singulis saltem quindecim diebus, Æstiuo autem quolibet octauo die perpetuò renouentur.

De Sacramento Extremæ Vnctionis. Cap. V.

Clementissimus Redemptor noster, quemadmodum fidelibus suis, dum in hoc sæculo viuunt, Diuina in alijs Sacramentis adiumenta parauit, ita eos, dum supremus vitæ dies instat, hoc Extremæ Vnctionis Sacramento tanquam firmissimo quodam præsidio communiuit. Omnem igitur diligentiam Parochus in eo adhibebit, ne absque tam salutari Sacramento ægrotum ex hac vita decedere sinat; cum enim ex hoc procedat remis-

remissio peccatorum, collatio gratiæ, confortatio animæ contra tentationes Dæmonis, in illa hora maxime insidiantis, faciliior morbi, & mortis tolerantia, ac denique sanitas corporalis (si id saluti animæ expediat) summa, uti debeat diligentia, ne ægotantes tantis bonis in extrema hora priuentur.

Sciat Parochus hoc Sacramentum ministrandum esse adultis periculose ægotantibus, propèq. moribundis, senio item confectis in diem morituris, etiam si ægroti non sint, periculose etiam vulneratis ad mortem.

Infirmis itidem non denegandum, qui sana mente, dum erant, illud petierunt, aut verisimile est, quod petijissent, etiam si postea in amentiam, vel phrenesim inciderint.

Nunquam verò ministretur pueris rationis usu carentibus, aut perpetuò amentibus, nec excommunicatis, interdictis, aut impenitentibus, neque mulieribus in partu ægotantibus, nec ijs, qui mox ultimo supplicio afficiendi sunt, quique licet perpetuò amentes non fuerint, tamen ante amentiam, vel phrenesim essent manifestè impenitentes.

Neque illis ministretur, quos verisimile sit indecorè, aut impurè aliquid agere, quo irreuerentia huic Sacramento fiat, nisi Alicuius complexu ita teneatur, ut firmitus, stabilisque hæreat.

Vno eodemque morbo non reiteretur, nisi infirmus semel vinctus conualescat, & iterum in morbum incidat.

Curet etiam Parochus, ut ægroto, dum integris est
sen-

lensibus, huius Sacramenti medicina præbeatur .

De Sacramento Ordinis . Cap. V I .

Nemo prima Tonsura initietur, qui Sacramentum Confirmationis non susceperit, quique scribere, aut legere nesciat, & Fidei rudimenta edoctus nõ fuerit.

Qui ad minores Ordines promouendi sunt, bonum etiam à Parocho, & Magistro scholæ, in qua educantur, testimonium habeant, ac saltem latinam linguam intelligant.

Illegitimi nec prima Tonsura initientur, nec ad minores Ordines admittantur, nisi forsan dispensationem nostram impetrauerint.

Qui autem, vel prima Tonsura, vel minoribus Ordinibus insigniti fuerint, in habitu, & tonsura Clericali incedant, atque Ecclesiæ, cuius seruitio, vel ministerio à Nobis, vel Vic. Generali deputati fuerint, inserviant, & in susceptis Ordinib. in eadem Ecclesi. sese exerceant.

Ad primam Tonsuram, & tres minores Ordines non admittantur, qui septennio maiores non sint, neque ad Acolytathum, qui duodecimum annũ nõ compleuerint.

Qui verò ad sacros Ordines promoueri desiderant, bonum etiam testimoniũ, ac ætatem à Sac. Conc. Trid. singulis Ordinibus præscriptam habeant, ac in literarum scientia, & ijs, quæ ad Ordinem exercendum pertinent, instructi sint.

Antequam autem ad singulos sacros Ordines admittantur, fidem denunciationum, quæ iuxta formam ab eodem

eodem Sac. Conc. traditam in Ecclesia faciendæ sunt; atque attestatorem Parochi de vita, & moribus, natalibus, ac ætate exhibere teneantur.

Ad eoldem sacros Ordines nemo ordinetur, quamvis alias sit idoneus moribus, scientia, & ætate, nisi prius legitimè constet, eum beneficium Ecclesiasticum, quod etiam debeat esse valoris Scutorum quadraginta deductis impensis, pacificè possidere.

Ad Titulum Patrimonij nullus ad dictos sacros Ordines promouearur, nisi quem Nos dumtaxat pro necessitate, vel commoditate nostrarum Ecclesiarum duxerimus assumendum. Ex bonis autem eo casu in Patrimonium assignandis, saltem annua Scuta quadraginta, deudctis oneribus, atque impensis, percipiantur, quod ex fide dignorum testium, seu peritorum depositionibus, ac documentis publicis constare debeat in actis nostræ Cancellariæ, eaque bona sine nostra licentia nunquam alienentur.

Subdiaconi, vel Diaconi ad altiorem gradum non ascendant, nisi Archipresbiteri, seu Parochi fidem exhibeant, ex qua constet, eos suscepti Ordinis functionem obiuisse.

Omnes autem siue ad Titulum sui beneficii, siue Patrimonij ad sacros Ordines promoti Ecclesijs, quibus adscripti fuerint, intersuam, ibiq. suis fungantur muneribus, quod si ad ordines quidē admissi iam sint, sed aliquis Ecclesiæ ministerio deputati non fuerint, teneantur nihilominus festis diebus, præsertim solemnibus in

Paro.

Parochiali Ecclesia conuenire , ibique Parochum in Di-
uinis adiuuare .

Literas dimissorias ad Ordines quoscumq; Vic. Gen.
non concedat , nisi ijs, quos ipse examinauerit , & appro-
bauerit, iuxtà formam Sac. Conc. Trid.

De Sacramento Matrimonij Cap. VII.

Parochus matrimonium in Ecclesia non denunciet ,
nisi prius habito tam viri, quam mulieris consensu.

Ter, ac tribus diebus festiuis continuis in Ecclesia de-
nunciet, inter Quos sit Matrimonium contrahendum,
iuxtà formam Sac. Conc. Tridentini , nisi huiusmodi de-
nunciationes à Nobis remissæ fuerint .

Interim, qui impedimenta sciunt, ea, sub pœna excom-
municationis, Parocho reuelare teneantur .

Si aliquod fortasse impedimentū detectū fuerit, et per
vnicū testē, à celebratione matrimonij sese abstineat, do-
nec à Nobis huiusmodi impedimēti causa cognita fuerit.

Curet insuper Parochus, vt Coniuges, antequam con-
trahant , sua peccata confiteantur , & Sanctissimum Eu-
charistiæ Sacramentum sumant .

Matrimonium ipso vltimæ denunciationis die nun-
quam celebret . Si post tertiam publicationem bimestre
elapsum sit, nō liceat Parocho ad celebrationem Matri-
monij deuenire, nisi vel denunciationes prædictæ in Ec-
clesia repetantur , vel nostra licentia impetretur .

Hæ denunciationes in Parochijs vtriusque Coniugis
fiant , si Eos in diuersis Parochijs, seu Oppidis nostræ

Dioecesis morari contigerit, quo casu hoc Sacramentum Parochus Mulieris ministret, habita tamen fide huiusmodi denunciationum à Parocho Viri.

Coniuges, siue Sponsi ante Matrimonij in Ecclesia celebrationem se à cohabitatione, & mutua consuetudine abstineant, nec se inuicem alloquantur absque parentum, siue propinquorum præsentia.

Aduenæ verò, ac incertis Vagantes sedibus, quiue ex nostra Dioecesi non sunt, ad Matrimonium non admittantur, nisi nostram, vel Vicarij Generalis licentiam inscriptis impetrauerint.

Factis tribus denunciationibus, si nullum adsit impedimentum, Parochus per seipsum, siue per aliū à Nobis ad Sacramenta ministranda approbatum, in Ecclesia Parochiali matutino tempore Coniuges coram duobus, vel tribus testibus in Matrimonium coniungat iuxta formam à Sac. Conc. traditam.

Nec ante Solis ortum, neque post eius occasum Sacramentum hoc administret, nunquam autem extra Ecclesiam, siue in priuatis domibus, sine licentia inscriptis à Nobis dumtaxat obtinenda.

Curet præterea, ut Coniuges benedictionem Sacerdotalem, statim celebrato Matrimonio, suscipiant.

Diligenter apud se custodiat librum, in quo Coniugum, & testium nomina, diemq. & locum contracti Matrimonij describar.

15

CONSTITUTIONVM SYNODALIVM.
P A R S S E C V N D A.

De Professione Fidei . Cap. I.

Prima, & maxima Pastorum cura versari debet in ijs, quæ ad Fidem Orthodoxam conservandâ pertinent, sine qua impossibile est placere Deo . Nos igitur Sacris Conc. Trid. Decret. ac Constitutionib. Summorum Pontif. inhærendo sancimus, ut prouisi de beneficijs animarum curâ habentibus, saltem intra duos menses à die adeptæ possessionis in manibus nostris, seu Vic. Gener. publicam Fidei professionem per seipso emittant, iuxta formulam à sel. record. Pio Quarto editam, alioquin nō faciant fructus suos, neque eis possessio suffragetur . Prouisi autem de Dignitatibus, & Canonicatibus in Ecclesia Cathedrali idem coram Nobis, & coram Capitulo facere teneantur.

Sed & Verbi Dei Prædicatores, quique Sac. Theol. Ius Canonicum, aut Ciuile, Philosophiâ, Medicinâ, Grammaticam, vel alias liberales Artes publicè, aut priuatè docebunt, alijque omnes, qui ad id de Iure, vel consuetudine adstringuntur, antequam ad eorum exercenda munia admittantur, eandem Fidei professionem emittant.

De Verbi Dei Prædicatione . Cap. II.

Antequam Regulares cuiuscumque Ordinis prædicare incipiant, etiam in Ecclesijs suorum Ordinum licentiam à suis Superioribus obtentam exhibeant, & à Nobis, seu Vicario Generali personaliter benedictionem

petere, ac Fidei professionem facere debeant.

In Ecclesijs verò, quæ suorum Ordinum non sunt, ultra licentiam suorum Sup. nostrâ et impetrare debeant, sine qua in Ecclesijs nostris nullo modo prædicare possint.

Ab omni autem turpis lucris suspitione in eleemosynis quæstuandis alieni sint, atque in omnibus sicut Dei Ministros sese exhibeant. In Concionibus, quas ad Populum habebunt, cum Euangelijs, quibus Clerus Sæcularis illis diebus vitur, se conforment.

Nec ante Solis ortum, nec post eius occasum prædicent absque nostrâ, seu Vicarij Gener. licentia, etiam si Concio Sanctiss. Pasionis Christi Domini habeatur, neque in prædicando aliquid repræsentent, quod à Christiana disciplina abhorreat.

Indulgentias quascunque, etiam in Ecclesijs suorum Ordinum, nisi sint à Nobis approbatæ, seu recognitæ, non publicent.

Expleto Quadragesimali, coram Nobis iterum se præsentent, ut de subditorum moribus, & vita certiores Nos faciant.

Si quis nostris huiusmodi mandatis non obtemperaverit, ad prædicandum in nostra Diœcesi amplius non admittatur.

De Reliquijs Sanctorum. Cap. III.

NE in re tanti momenti error aliquis admittatur, decernimus, ac sancimus, ut novæ Sanctorum Reliquiæ non recipiantur, neque in Ecclesijs etiam

Re.

Regularium pro certis à Populo venerandæ proponantur, nisi à Nobis recognitæ fuerint, & approbatæ.

Præterea Rectoribus quarumcumque Ecclesiarum, aliisque omnibus prohibemus, ne vlli personæ, cuiuscumque dignitatis, & præminentie existat, aliquâ partem Reliquiarû in Ecclesijs nostris existentium sine nostra licentia concedere, vel pro seipsis subtrahere, aut retinere, nec ab vna Ecclesia ad aliam trāsferre præsumant.

Atque ne de Reliquiarum approbatione dubitari contingat, mandamus, vt statim, ac recognitæ fuerint, duo huiusmodi approbationis, seu recognitionis publica Instrumenta fiant, quorum alterum in nostra Cancellaria, alterum in Ecclesia, seu Reliquiario, vbi reconditæ sunt, vnâ cum Sanctorum nominibus perpetuò custodiri debeat. Duo clauēs in fenestrella, in qua reconduntur, fiant diuerso opere elaboratæ, quarum altera retineatur per nostrum Vicarium Generalem, & altera per primam Dignitatē Ecclesiæ Cathedralis, & in Diœcesi per Vicarium Foraneum, & Parochum loci.

In Ecclesijs, vbi insignes adsunt Reliquiæ, videlicet Corpus, Caput, Brachium, Crus, & ea pars, non parua tamen, in qua Sanctus passus fuit. Martyrium, ante eas perpetuò lampas ardeat, saltem diebus solemnibus, ac die festo ipsius Ecclesiæ, vel Titularis, & eiusdem Sancti.

De sacris Imaginibus. Cap. IV.

CVM nihil in domo Dei inordinatum, aut inhonestum, nihilq. indecorum apparere debeat; statui-

mus, vt nullæ Sanctorum Imagines, aut Statuæ in Ecclesijs, seu Altaribus ponantur, nisi à Nobis, seu Vicario Generali approbatæ fuerint:

Antequam autem in Altaribus collocentur, solemniter prius Ecclesiæ ritu benedicantur.

Absint ab Ecclesijs Imagines procaci venustate pictæ, aut ornatae.

Nemo Imagines Sanctorum pro insignibus Tabernaculorum habere, seu retinere præsumat.

Ecclesiæ neque intra, neque extra profanis Imaginibus exornentur.

De Fæstorum dierum cultu. Cap. V.

Diligenter cauendum est, ne vllus ad Diuinam offensionem, & animæ suæ perniciem diebus festis in Dei, & Sanctorum honorem institutis abutatur. Parochus igitur quolibet die Dominico festiuitates, & ieiunia, quæ de præcepto seruanda sunt, populo annuntiet, ac Violatores huius diuini Præcepti, peccati grauitate deterreat. Qui verò dies festos violare quomodolibet ausus fuerit, vltra læthalis culpæ reatum, pœna Scut. 2. pro quolibet, & qualibet vice, ac alijs arbitrio nostro punietur, à quibus nullus excusabitur sub prætextu alicuius necessariæ, aut rationabilis causæ, nisi ea sit à Vicario Generali approbata, & in singulis Diocesis Oppidis à Parocho cuiusque loci.

Vbi autem Vicarius Generalis præsens fuerit siue in Ciuitate, siue in Diocesi, nullus Archipresbiter, seu Parochus

rochus prædictas licentias concedere præsumat, sed ex à Vicario Generali tantummodo concedantur.

Nulla in diebus festis, siue per Ministros Curia Ecclesiasticæ, siue sæcularis, fiat executio realis, siue personalis pro ciuili causa.

Mercatus non fiant, cunctarum artium officia, ac seruilis quæcumque opera, profanæq. negotiationes, & Iudiciorum strepitus conquiescant.

Choreas item, & vanas repræsentationes, atque alia ludicra, seu theatralia spectacula in festis, ac etiam Quadragesimalibus, & Aduentus diebus interdiciamus.

Ludum Aleæ, & Taxillorum, præsertim publicum, sub pœna Scut. 25. & alijs grauioribus prohibemus, quas pœnas, ad Permittentes huiusmodi ludos prædictis diebus in eorum domibus, extendimus.

De die Festo S. Pancratij Martyris. Cap. VI.

Festum diem S. Martyris PANCRAII, huius Albanensis Ecclesiæ Patroni, ita semper honorabilem decernimus, ac venerandum, vt à Clero, Populoq. vniuerso Ciuitatis, & Diocesis nostræ, ac etiam à Regularibus, sicut alia Festa de præcepto, celebretur.

Præterea singulos Ecclesiasticos, qui Diuinum Officium recitare debent, ad eius Oct. celebrandam adstringimus.

Omnes etiam in Dño hortamur, vt pridie eius dici in honorem tanti Martyris ieiunium seruent. Qua de re Parochi Populum moneant, atque ad illud seruandum pijs cohortationibus impellant.

De Sacrosanctis Ecclesijs, & Altaribus. Cap. VII.

NOuas Ecclesias, seu Oratoria, ac Monasteria ædificare, vel in Ecclesijs iam constructis, noua erigere Altaria nemo præsumat, nisi licentiam nostram impetrauerit, ac de sufficienti dote per publicum Instrumentum docuerit; hæc autem licentia à Nobis dumtaxat impetretur.

Nulla in eis alicuius Familiæ insignia, seu inscriptiones, Nobis inconsultis, ponantur.

E domibus Ecclesiæ contigujs nulli liceat habere fenestram, interiori Ecclesiæ respondentem.

Procul ab Ecclesijs sint impudicarum Mulierum domus.

Nemo propè Ecclesias ludis cuiusque generis vacare, neque choreas ducere audeat, præsertim cum Diuina Officia celebrantur.

Sordes, atque immunditiæ in locis Ecclesiæ contigujs non proijciantur, nec quidquam aliud admittatur, quod Domus Dei Sanctitati, ac Maiestati repugnet.

Arma quæcumque, præter Enses, intra Ecclesiam non deferantur.

De Ecclesiarum Veneratione, & Immunitate. Cap. VIII.

OMni studio cauendum est, vt Domus Dei, verè Domus Orationis dicatur, eiusque cultus sit cum debita veneratione pacificus. Nullus itaque in Ecclesia, seu Sacristia, Domibusq. Ecclesiasticorum Ecclesiæ contigujs iniurias aduersus alterum dicat, seditionem, seu

seu rixas exciter , conclamationem moueat , impetumue committat ; nullus item alterum armis , seu aliter quomodocumque audeat offendere . Nulla inibi causa per sæculares Iudices, criminalis maximè, agitetur omnis in eis sæcularium Iudiciorum strepitus conuielcat .

Cessent in locis eisdem sæculares actiones, negotiationes , deambulationes , confabulationesque , ac publica parlamenta, cessent vana, & multò fortius fœda , & profana colloquia .

Atque vt facinorosi homines à patrandis delictis deterreantur , quæ nonnunquam ab ipsis committi solent , quia in Ecclesijs, vbi tuti permanere possunt facile recipiuntur ; propterea Clericis omnibus, atque alijs nostrarum Ecclesiarum Rectoribus , seu Custodibus inhibemus, sub pœnis arbitrio nostro infligend., ne Aliquem sine nostra licentia , seu Vicarij Generalis vltra triduum recipiant, aut retineant .

De Sepulturis. Cap. VIIII.

Defuncti postquam expirauerint, per spatium saltem duodecim horarum insepultri custodiantur, nec pro ijs humandis pauimentum Ecclesiæ excauetur , aut deformetur absque licentia Vicarij Generalis .

Defunctorum cadauera non deferantur ante Solis ortum, nec post eius occasum sine nostra licentia .

Sepultura mortuorum, sub quouis prætextu compositionis quartæ funeralis , nunquam retardetur .

Nulla in operculis Spulcrorum fiat inscriptio, quæ
à No.

Nobis prius approbata non fuerit.

In Sepulcris, quæ sub Altaribus reperiuntur, nemo sepeliatur.

In qualibet Parochiali Ecclesia adsit peculiare Sepulcrum pro Infantibus baptizatis, & obeuntibus antequam rationis.

Pro sepultura nihil paciscatur, sed consuetæ tantum elemosynæ recipiantur.

Miserabiles personas Parochus sepeliat gratis.

Funus mortui Parochi alter Parochus loci eiusdem, vel vicinior gratis celebrare, ac pro eius anima Missam dicere teneatur.

Nulla sit electio sepulturæ facta per infirmum, qui ex illa infirmitate non decessit; si verò electio huiusmodi facta fuerit in testamento, firma semper maneat, dummodo non fuerit reuocata.

Filius minor, seu impubes, vel in sepulcro Maiorum suorum, vel in propria Parochia, prout hæredibus Defuncti, aut Patri, vel Matri videbitur, tumuletur, quod etiam ad omnes, & quascumque personas decedentes, non electa Sepultura, extendimus. Vbi autem adest particularis consuetudo, quod Pater eligere possit Sepulturam pro Filio impubere, tunc in ea, quam Pater elegerit, Ecclesia sepeliatur.

CONSTITUTIONVM SYNODALIVM.

P A R S T E R T I A.

De vita, & honestate Clericorum. Cap. I.

NIHIL est, quod magis ad Dei cultum, & pietatem alios impellat, quam eorum vita, & exemplum, qui se Diuino seruitio, relictis secularibus curis, subiecerunt; cum enim à rebus sæculi in altiorem sublatis locum conspiciantur, in eos tamquam speculū reliqui oculos coniiciunt, ut ex ijs sumant, quod imitentur, atque ideo in omnibus sese ipsos bonorū operum exemplum præbere debent, ut quemadmodum cæteris sublimiori gradu præcellunt, ita morum etiam honestate, ac sanctitate præluceant.

De Clericorum Habitu, & Tonsura. Cap. II.

DEcentibus vestibus, ac ordini Clericali accommodatis tam intrinsecus, quam extrinsecus Clerici induantur, nec vnquam vtantur vestimentis coloris rubei, flauī, aut viridis, seu alterius eiusdem coloris, sed honestis coloribus sint contenti, velut nigro, aut violaceo, cæterisq. non prohibitis, ut et ab eorum decenti vestitu discāt Laici, eos omni veneratione dignos esse, & obsequio.

In Diuinis officijs, Processionibus, Funeribus, alijsq. publicis actibus, in Missæ etiam celebratione, & Sacramentorum administratione vestem ad talos vsque demissam perpetuò deferant.

Ton-

Tonsuram Clericalem, quæ est militiæ spiritualis insignis, abrado capillo cõspiciam semper gerant, eo modo latâ, prout Ordinis, quo sunt insigniti, ratio postulat.

Capillis item simplicem adhibeant cultum, ac æqualiter ex omni parte prædant, nec sint in aliqua capitis parte reliquis longiores.

De Conuiuijs per Clericos vitandis. Cap. III.

ET quia diligentissimè cauere debent, ne à certa viuendi via, & ab officij sui ratione deflectant, idcõ ad conuiuiâ præsertim publica nunquam accedant, neque in illis operas suas cantu, vel musicis instrumentis nauent, aliaque minus honestas comestationes omnistudio vitent, ex quibus plerumq. fit, vt Ecclesiastici ministerij dignitas contemnatur. Cauponarum verò aditus omninõ prohibemus, nisi necessitatis causa in itinere aliud expostulet.

De Ludis, Venationibus, atque Armis prohibitis. Cap. IV.

Quemadmodum Clerici Ecclesiasticæ Militiæ sunt adscripti, ita ad eiusdem labores, sollicitudinesq. vocantur, ac proindè ad voluptates sæculi sese conuerrere non debent. Propterea præcipimus, vt ab illicitis ludis, præsertim Alearum, & Taxillorum, tam publicè, quam priuatim abstineant, nec in Aedibus suis ludere sinant, neque cum ludentibus vlllo modo intersint.

Publicè verò ab omnibus ludis, etiam ab ijs, qui liciti, & honesti appellantur, abstineant.

Nul.

Nullum etiam armorum genus gestare præsumant .

Clamosas venationes etiam interdiciamus .

Choreas tam publicas, quàm priuatas, ac Fabulas, seu Comedias, Luctationes, aliaq. profana, & inania spectacula ita fugienda esse decernimus, vt neque spectatores sint .

De Conuersatione Mulierum per Clericos vitanda.

Cap. V.

DOcet experientia, quanta ex suspectarum Mulierum conuersatione sequantur incommoda, hinc enim detractiones nascuntur, & Clericorum famę, non modicum infertur præiudicium . Quapropter Clericis omnibus inhibemus, ne cum mulieribus non integrę famę, neque cum ijs, de quarum honestate dubitatur, seu aliqua habetur suspicio, versentur, aut cohabitent, neue vllas mulieres, aut ancillas, nisi longeuę sint, aut prouectę ætatis de nostra, seu Vic. Gener. licentia in scriptis obtinenda, quouis sub prætextu domi retineant; nullas quoque mulieres absque nostra licentia legere, scribere, aut canere, alioq. cuiusuis generis instrumēto sonare doceāt.

De Sacularibus negotijs, ac illicita negotiatione. Cap. VI.

SANè cum in sortem Domini vocati sint, sæcularibus curis, seu negotijs sese immiscere non debēt; nullus igitur Clericus aduocationis, aut procurationis nomine corā ludice sæculari causam agat, nisi suam, vel Ecclesię, propinquorūue, si necesse erit, & miserabilū personarum causas, licentia primū à Nobis in scriptis obtenta, tueatur.

In

In causis item coram eodem Iudice sæculari pendentibus, testimonium non ferat, nisi licentiam nostram prius impetrauerit, & iuramentum in actis Cancellariæ nostræ præstiterit.

Nullius tutelam, curam uè gerat, nisi pietatis causa; quo etiam casu Vicarij Generalis assensum obtineat.

Publicis Vniuersitatum comitijs, seu conuentibus nõ interfit, neque earundem Vniuersitatum negotia pertractanda suscipiat.

Aliena prædia, vel alios quoscumque redditus, seu fructus, neque etiam indirectè conducat.

Mercatus, & illicitas negotiationes nunquã exerceat.

De Sacramentis per Clericos frequentandis. Cap. VII.

IN reliquis verò virtutum actionibus ita se gerant, ut eorum exemplis ad spiritualia, & pia opera Cæteros impellant. Quapropter Clericos oēs in Dño hortamur, ut qui in minoribus Ordinibus sunt constituti, singulis saltem mensib. Diaconi, & Subdiaconi singulis 15. diebus peccata sua alicui Sacerdoti, ad audiendas Confessiones approbato, confiteantur, & Sanctissimum Eucharistiæ Sacramentum sumant.

Sacerdotes saltem Dominicis, & alijs Festiuis diebus, nisi legitime impediti fuerint, Missam celebrare non omitant.

Quinta verò Feria in Cœna Dñi omnes cōueniant ad solemne Missæ sacrificium in propria Ecclesia celebrandum, & sacram Communionem sumant.

Qui

Qui seruitio alicuius Ecclesiæ adscripti sunt, Eidem inserviant singulis diebus festis, ac Missæ solemnī, sacrisq. Concionibus, ac Vespertinis horis intersint.

Caveant autem à libris, quires, vel inanes, vel iocosas, aut impudicas, & id generis continent, ex quorum lectione, plerumq. fit, ut Timor, Charitasq. Dei languescat, ac morum disciplina destruat.

Cætera item omnia, quæ ex Decretis Visitationum, & præsentis Synodi, alijsq. Sanctionibus præstare debent, accuratè exequantur.

De Processionibus. Cap. VIII.

AD Processiones publicas ordinarias, & extraordinarias à Summo Pontifice, siue à Nobis indictas; Clerici oēs, siue in Minoribus, siue in Sacris Ordinibus constituti, Officiū, aut Beneficiū Ecclesiasticū obtinētes, cū vestibus talaribus, superpelliceis, ac biretis accedant.

Omnes item Regulares, etiam Monachi, necnon Sodalitates Laycorum, quæ hætenus venire consueverunt, cum peculiaribus earum vexillis, ac indumentis accedere, atque hora præscripta in Cathedrali, siue in Collegiata, aut Parochiali Ecclesia convenire debeant.

Eas verò Processiones, quæ noctu fiunt, omninò interdiciamus.

Lignea, seu Fictilia Sanctorum simulacra, Nobis inconsultis, non deferantur.

Via publicæ, per quas Processiones, præsertim solennes diriguntur, profanis Imaginibus non ornentur.

C O N.

CONSTITUTIONVM SYNODALIVM.

P A R S Q V A R T A.

De Beneficijs Simplicibus, & Curatis. Cap. I.

Lerici, qui ex nostra Dicecesi non sunt, ad concursum non admittantur, nisi habeant literas testimoniales sui Episcopi, quoad vitam, & mores, & Ordines. Excludatur à concursu, & insuper grauitèr puniatur, qui Alios descriptos, vel concurrere volentes verbis, aut factis detertere ausus fuerit, ne se examini subijcerent. Concursus verò Ecclesiarum Parochialium non habeatur, nisi prius per Edictum publicum, in quo assignetur terminus saltem decem dierum, vocentur ij, qui volent examinari. Eo termino elapso, qui in termino fuerint descripti, examinentur coram Vicario Generali, & tribus saltem Examinatoribus; nec admittantur ad examen, qui in termino non comparuerint.

Si tamen in termino prædicto vnus dumtaxat descriptus fuerit, eo casu noua affigi Edicta, ac terminum aliorum decem dierum assignari mandamus.

Prouisi per literas Apostolicas de Beneficijs, tam simplicibus, quam Curatis, infra duos menses, à die adeptæ possessionis literas prædictas in Cancellaria nostra Episcopali exhibere, & illarum copiam authenticam, vnâ cum copia adeptæ possessionis, & dictarum literarum publicationis relinquere debeant.

De Parochis. Cap. II.

OMnes quidem Parochi ex Diuino præcepto tenentur Oves suas agnoscere, pro his Sacrificiū offerre, Verbi diuini prædicatione, Sacramentorum administratione, ac bonorum omnium exemplo pascere. Archiepiscopis igitur, & alijs animarū Curatis præcipimus, vt Missæ sacrificium omnibus diebus Festis, ac ter in hebdomada celebrent, atque etiam sæpius, prout loci consuetudo, vel necessitas postulabit, illudq. saltem omnibus Dominicis diebus iuxta formā Sac. Conc. Trid. Ouib. suis applicare teneantur. Ac insuper eiusdem Sac. Conc. Trid. Decretis inherētes statuimus, ac sancimus, vt omnes, & singuli Archiepiscopi, & Parochi, vel aliā curam animarum habentes, saltem omnibus Dominicis, & solemnibus diebus Festis Plebes sibi creditas pro sua, & earum capacitate pascāt salutaribus verbis, Euangelium, Diuinamq. Legem annuntient docendo articulos symboli, præcepta Decalogi, atque Ecclesiæ Sacramenta, eaq. omnia, quæ scire omnibus necessarium est ad salutem, ne illud impleatur, *Paruuli petierunt panem, & non erat, qui frangeret eis.*

Id autem per seipsos facere omninò teneantur, vel si legitimè impediti fuerint, per alios idoneos à Nobis, seu Vicario Generali approbandos: qui autem muneri suo satisfacere contempserint, pœna duorum aureorum pro qualibet vice multentur.

Sacramenta similiter per seipsos, & si legitimè fuerint
C ita.

impediti , per Cappellanum à Nobis approbatum diligenter administrent .

Moribundis frequenter visitent , eosq. ad patientiam , & reliquas virtutes hortentur , ac per frequentes peccatorum Confessiones , ac reliqua Sacramenta Deo reconcilient , & commendent .

Libros Baptizatorum , Confirmatorum , Matrimoniorum , & Mortuorum diligenter custodiant .

Dominicis saltem diebus pueros Fidei Rudimenta , & obedientiam in Deum , & Parentes in Ecclesia Parochiali per seipsos doceant , aliàs pœna duorum Aureorum pro qualibet vice mulctentur .

Neminem exorcizent per se , vel per alium Sacerdotem Secularem , vel Regularem sine nostra licentia .

Indulgentias quascumque , nisi à Nobis approbatæ fuerint , & recognitæ , ne publicent .

Quæstores eleemolynarum , qui à Nobis facultatem non impetrauerint , non admittant .

De Celebratione Missarum . Cap. III.

IN Sacristia perpetuò adsit Tabella , in quâ descripta sint omnia , Missarum , Anniuersariorum , ac reliquarum functionum onera , quæ ex pijs Legatis , aut veteri consuetudine ad tempus , vel perpetuò sunt adimplenda :

Adsit etiam Liber , in quo omnes , & singuli Sacerdotes , postquam celebrauerint , propria manu scribant , se celebrasse .

Mis-

Missæ semper applicetur pro anima Testatoris, vel Fundatoris, licet in Legato, seu fundatione id specialiter cautum non fuerit.

In Ecclesijs, in quibus plures Missæ celebrantur diebus ferialibus, vna saltem Missa summo mane pro Populi commoditate qualibet die celebretur.

Nemo cum Annulo, etiam si in dignitate constitutus, aut doctoratus laurea insignitus, Missam celebret;

Nec ante Auroram, nec post Meridiem Missæ celebrentur, nisi functionis ordo aliquando longius tempus expostulet.

Qui Missas non celebrauerint, ad quas celebrandas ex aliquo onere tenentur, diebus Ferialibus, in Iulijs duobus, diebus verò Festiuis, in Iulijs tribus, vsibus Sacristiæ applicandis, mulcentur, & nihilominus easdem Missas pro anima Fundatoris, seu Benefactoris applicare, & celebrare teneantur.

Onera Missarum perpetua à Capitulis, siue quarumcumque Ecclesiarum Rectoribus, Custodibus, siue Piorum Locorum Administratoribus absque nostra licentia non suscipiantur, qua obtentæ, pecuniæ, siue bonæ mobilia eisdem Ecclesijs cum onere prædicto Legatæ iuxta voluntatem Testatoris quamprimum cum effectu inuestiantur, & in Instrumento fiat huiusmodi oneris indiuidua, ac specifica mentio, alias ij, ad quos hæc cura spectabit, ab ingressu Ecclesiæ sint interdicti, alijsque pœnis arbitrio nostro punientur.

Atque ut ea omnia extirpentur, quæ, vel auaritia,

vel irreuerentia, vel superstitio veræ pietatis falsa imitatrix induxit, in Missis nouis celebrandis abusus omnes, sumptuosa Conuiuia, Ludos, choreas, Tubarum sonitus, illiberales Eleemosynarum exactiones, aliaq. huiusmodi, quæ à Symoniaca labe, vel certè à turpi quæstu non longè distant, prohibemus.

Clerici insuper tam Sæculares, quam Regulares in suis Ecclesijs Sacerdotes exteros, ac ignotos, seu vagos ad celebrandum non admittant, nisi licentiam Vicarij Generalis exhibuerint, eosq. qui publicè, ac notoriè criminosi sunt, à sanctis Altaribus arceant, & repellant.

Missas item à Sacra Congregatione Rituum non approbatas, videlicet S. Gregorij pro Viuis, & Defunctis, Quindecim Auxiliatorum, & de Patre Æterno in eisdem Ecclesijs celebrare non permittant.

De Confraternitatibus, & Locis Pijs.

Cap. IV.

SOcietates, seu Confraternitates etiam in Ecclesijs Regularium non erigantur, nisi aut Summi Pontificis, aut nostra præcedat auctoritas.

Plures Confraternitates, seu Sodalitates in vno, eodemque loco sub eodem titulo, & instituto, sicuti confusionem, aliaq. multa afferunt incommoda, ita erigi prohibemus.

Non vrantur regulis, quæ à Nobis approbatæ non fuerint, & subscriptæ.

Prio-

Priores, & alij Officiales Confraternitatum non eligantur, nisi præfente Vicario Generali in Ciuitate, & in Diœcesi Archipresbytero loci, qui vota recipiat per secreta suffragia, alias electio sit ipso iure nulla.

Nemo eodem tempore in Officialem plurium Societatum eligatur.

Nulli autem liceat recusare officium ad quod electus fuit, sub pœna Scutorum decem vsibus Confraternitatum applicandi, nisi Nos, vel Vicarius Generalis excusationis causam, vti legitimam approbauerimus.

Debitorum Confraternitatis ad eius officia inhabiles sint, donec satisfecerint.

Qui bona alicuius Sodalitatis, vel Loci Pij administrauerint, & rationem suæ administrationis coram Vicario Generali iuxta formam Sac. Conc. Trid. non reddiderint, ad eiusdem, & aliarum quarumcûque Confraternitatum officia nunquam admittantur.

Statim autem ac electi sunt, coram Vicario Generali, & in Diœcesi coram Vicario Foraneo, vel Parocho loci Iuramentum præstent, se rectè, & fideliter munus suum administraturos.

Nihil sine nostra licentia de Confraternitatum, seu Piorum Locorum redditibus pro mercede, seu alimentis Prædicatorum expendant.

Exigant ipsi omnia credita, & emolumenta quomodocumque ad Loca pia, & Cōfraternitates prædictas spectantia, quod si negligenter in officio suo se gesserint, & debitas diligentias in exigendis creditis Societatis non

adhibuerint, de proprio teneantur.

In Ecclesijs, seu Oratorijs Confraternit. absque nostra licentia Nemini sepultura concedatur, nec pro humâdis defunctis, Ecclesiæ, seu Oratorij pavimentum deuasetur.

Officiales sine licentia Vicarij Generalis extraordinarias expensas non faciant, nec mutuò dent pecunias, aut alia Sodalitatis bona mobilia; immobilia verò non nisi ad triennium locent.

Expleto Officio rationem administrationis Vicario Generali reddere teneantur; redditio autem rationis coram alijs facta, quicūque illi sint, nulla sit eo ipso, atque Officialibus prædictis nullo vnquâ tempore suffragetur.

Quod si aliquando, vel per loci distantiam, vel propter alia impedimenta Officiales Confraternitatum prædictarum coram Vicario Generali se præsentare minime possunt, liceat eisdem Officialibus coram Parocho loci rationem suæ administrationis reddere, impetrata prius facultate à Nobis, seu ab eodem Vicario Gener.

Libros item administrationis, ac instrumenta quæcunque, seu Scripturas ad Societatem spectant, Successoribus in Officio statim consignent.

Scripturæ huiusmodi, sicut & cætera bona mobilia, seu pecuniæ Successoribus consignentur per Inuentariū, vel per Notarium publicum, vel saltem per Parochum loci, & eisdem Successores in Officio subscribent: Inuentarium verò in libris Confraternitatum perpetuò registretur.

Priores, seu Officiales annales sint, nec pro alio anno

confirmentur, nisi vel licentia Vicarij Generalis impetretur, vel ad id omnia Confratrum vota, nemine discrepante, concurrant.

Capsulæ pro eleemosynis non exponantur in posterum sine nostra licentia; vbi autem iam exponi consueverunt, duabus diuersis clauibus sint munitæ, quarum altera retineatur per Parochum, altera per Priorem Societatis pro tempore.

Pecuniæ verò ex Capsulis prædictis non nisi utroque præsentè, videlicet Parocho, & Priore extrahantur, & extractæ statim in libro annotentur.

Cætera etiam omnia, quæ infra in Tit. de Bonorum, & Iurium Ecclesiasticorum conseruatione decernimus, accuratè, & diligenter exequantur.

De Ludimagistris. Cap. V.

Adolescentium ætatem, nisi à teneris annis ad studia, & pietatem informetur, ad vitia quæque sequenda pronam esse, vltu ipso, & experientia comprobatur: ideò Locorum Dominos temporales, ac Magistratus vehementer in Domino hortamur, vt nulla sumptus habita ratione Ludimagistros moribus, ac doctrina laudabiles conuenienti mercede conducant, ac in suis locis perpetuò retineant, vt pueri (præsertim pauperes) Grammaticam, cæterasq. virtutes ediscere possint.

Hi autem Ludimagistri, antequam docere incipiant, licentiam nostram in scriptis obtinere, Fideiq. Professionem emittere debeant.

Omni studio doceant adolescentes, & pueros ea præcipuè, quæ ad Religionem, & Christianos mores sunt necessaria.

Diligenter etiam curent, vt pueri intersint diebus festis Sacrificio Missæ, verbi Dei prædicationi, ac Doctrinæ Christianæ.

Ipsi quoque vnà cum Parochis pueros Fidei rudimēta Dominicis diebus hora præscripta docere non omittant.

Libros nouissimo ab Indice veritos, aut alios, quorum lectione Christianæ Fidei, aut puritatis cādor laefactari possit, Adolescentibus non interpretentur, neque ab illis legi sinant.

Quæ vt omni diligentia seruentur, Parochi quoad Magistrorum huiusmodi vitā, & mores, ac docendī rationē diligenter inuigilent, sæpius eorū scholas visitando.

Qui autē à recta docendi via declinauerint, seu mādatis nostris parere neglexerint, ab eorum officio, seu munere, suspendantur, atque alijs penis arbitrio nostro mulctentur.

De Bonorum, & Iurium conseruatione. Cap. VI.

VT bona Ecclesiastica conseruentur, nec vnquam de Ecclesiæ dominio dubitari contingat, omnibus tam Ecclesiæ Cathedralis, quam reliquarum Collegiatarum Archipresbyteris, & Canonicis, necnon Beneficiorum, tam Parochialium, quam simplicium Rectoribus, ac Societatum, seu Confraternitatum, ac quorumcūque Piorum Locorum, & Hospitalium Officialibus, seu Administratoribus mandamus, vt intra sex Menles à die promul-

mulgationis harum Synodaliū Constitutionū , omnium , & singulorum bonorum stabiliū , Iurium , & actionum, annuorum Canonum, censuum, reddituum, nominum Debitorum, aliorumq. bonorum ad Ecclesias, seu beneficia, ac Loca Pia prædicta quomodocumq. spectantium inventaria tolemniter citatis interesse habentibus, ac seruatis de iure seruandis conficiant, vbi bonorū immobilium fines etiam describantur, ac reliquorum bonorum qualitates, nomina item , atque onera eorum , qui ea possident , explicentur .

Horum autem duo authentica documenta , seu transumpta fiant , quorum Alterum in Archiuo Episcopali perpetuò conseruetur, alterum ab Ecclesiarum prædictarum Camerario, seu Rectoribus, ac locorum Piorum Officialibus pro tempore retineatur .

Omnium item rerum, & bonorum Ecclesiarum immobilium , ac prætoriorum mobilium alienationem , omneq. pactum, per quod ipsorum dominium, vel vtile, vel directum transfertur, ac eorundem bonorum hypothecam , & concelsionem etiam in Emphiteusim fieri prohibemus ; nec possessionem sub quouis prætextu euidētis utilitatis transferre præsumant , nisi Summi Pontificis, aut nostrum in casibus à iure permissis beneplacitum prius fuerit expeditum .

Bona immobilia prædicta consanguineis, aut attinentibus vsque ad quartum gradum non locentur sine nostra licentia .

Ecclesiastici item bona Ecclesiæ, quæ cum alijs comuni-

muniter possident, neque per se, nec per alios, Nobis ini-
consultis, conducant.

Officialibus similiter bona Confraternitatum, alio-
rumque Piorum Locorum, durante eorum officio, ne
locentur.

CONSTITUTIONVM SYNODALIVM.

PARS QVINTA.

De Officio Archipresbyteri. Cap. I.



Archipresbyteri, & his absentibus Canonici,
qui primum inter praesentes in Choro locum
obtinebunt, omni diligentia, & vigilantia cu-
rent, ut Hebdomadarius, vel alius quivis Ca-
nonicus, aut Chori Minister suo in omnibus fungatur
officio.

Curent insuper, ne quid praetermittatur in Choro, in
Ecclesia, vel Sacristia, quod ad Divinorum Officiorum
rationem, Ritumue pertineat, quodque communibus,
vel proprijs Constitutionibus in Divinis Officijs obeun-
dis praescribatur.

Archipresbyteri praedicti ad Camerariatus, aliaque
Capitularia officia non eligantur, sintq. à praedictis offi-
cijs alieni; cum Omnium suarum custodiae toto studio in-
cumbere debeant.

Hac etiam de causa ad eadem Capitularia negotia,
quaecumque extra residentiam pertractanda nec depu-
tentur, nec ipsi huiusmodi onera suscipiant absque no-
stra

stra speciali licentia in scriptis obtinēda, ne vlllo vnquam tempore curam animarum detrimentum aliquod pati contingat.

Ea item omnia, quæ supra in Tit. de Parochis sancita sunt, exequantur.

De Officio Camerarij. Cap. II.

Camerarius Capituli, ac alij omnes Officiales Capitulares, quocumque nomine nuncupentur, eligantur vltima ordinaria, & Capitulari die Sabbati Mensis Decēbris post Vesperas per secreta suffragia, siue à Capitulo Cathedralis, siue Collegiatæ, siue ab alijs Presbyteris, & Clericis fieri debeat electio, alias electio huiusmodi nullius sit roboris, & momenti.

Nemini autem liceat recusare officium, ad quod electus fuit, nisi ex aliqua legitima causa per Nos, seu Vicarium approbanda, alias penam Scut. decem in vltus Sacriliæ applicandam, incurrat.

In principio sui officij in actis nostræ Cancellariæ Episcopalis, siue in Libro Decretorum Capitularium teneatur se in forma Cameræ obligare, ac etiam iurare, se diligenter, & fideliter administraturum; qui verò id adimplere recusauerit, multis pecuniarijs, alijsque iuris, & facti remedijs opportunis compellatur.

Camerarius exigat omnes introitus, redditus, & proventus ad Mensam Capitularem quomodocumque spectant, ac etiam emolumenta sepulturæ, vbi hæc emolumenta ad Capitulum pertinent.

Ex-

toribus non exigerit , & non vltus fuerit debitis diligentijs, vt satisfacerent, sub eadem pœna suspensionis à Diuinis ipso facto incurren̄ de proprio teneatur Capitulo soluere , quod erat exigendum ; nomina tamen Debitorum eidem Camerario eo casu assignentur .

Si verò idem Camerarius debitas adhibuerit diligentias, ac exigere non potuerit, debitorum nomina consignet Capitulo distribuenda proportionabiliter inter omnes, vt suam quisque portionem exigere liberè possit .

Huiusmodi autem computa solidentur, seu approbentur ab Archipresbytero, qui etiam mandata subscribat .

De Officio Punctationis. Cap. III.

Punctatores duo quolibet Anno à Capitulo eligantur, ex quibus vnus per Vicarium Gener. eligatur , qui munus sibi iniunctum , sub pœna Scutorum decem , suscipere, ac exercere debeat .

Antequam autem illud ineat, coram Vicario Generali, & in Diœcesi coram Capitulo iuret, ac spondeat, se fideliter, ac sincerè suum officium executurum .

Omnium Canonicorum, ac etiam Chori Præfecti errata , & absentiam notet, nec aliquem pro præsentem habeat, nisi quem Vicarius Generalis, causa absentiae cognita, pro præsentem haberi decreuerit .

Singulis saltem Mensibus Punctator , & Chori Præfectus puncta, seu signaturas secum recognoscant, & punctationes supputent, & si qua in re discreparint, Vicarium Generalẽ adeant , qui omnem controuersiam absque villa
for.

forma Iudicij, quacūque appellatione postposita, dirimantur.

Singulis etiam Mensibus, & quories Punctator Prædictus fuerit requisitus à Capitulo, & Canonicis, libros punctationum exhibere teneatur.

Cætera item omnia, quæ ex Visitationum, & huius Synodi Decretis, alijsque Sanctionibus, siue ex cuiusque Ecclesiæ præscripto, aut consuetudine præstare debet, fideliter, ac sincerè exequatur, aliàs præter periurij reatum, nostro, vel Vicarij Gener. arbitrato grauius punietur.

De Chori Disciplina. Cap. IV.

OMnibus, & singulis Archipresbyteris, & Canonicis, alijsq. ad officium in Choro recitandum adstrictis præcipimus, & mandamus, vt in Choro præcipuè, vbi Diuinæ Laudes recitantur, vanis colloquijs, risui, iocis, aut alijs huiusmodi nūquam vacent, neque cum Alijs loquantur, nisi id fiat aut causa sui officij obeundi, aut necessarij responsi Alicui etiam extra Chorum reddendi.

Literas, vel scripta quæcumque ad vsum Chori non pertinentia, non legant.

Locum similiter non mutant, nec ab eo, siue ab Ordine suo quouis prætextu discedant, nisi ex causa ad Chorum pertinente.

Canonici omnes canant in Graduali, & Antiphonario ea omnia, quæ sine libro explere non possunt, cæteraque tam ad Missam, quam ad Officium spectantia, quæ memoriter pronunciari solent, in ea Chori parte, in qua sedent, canere similiter non prætermittant.

Heb.

Hebdomadarij cantent Orationes, Euangelium, aliaq. ad Missam, siue Horas pertinentia, iuxta Missalis, & Ecclesiæ Ritum, & Ordinem consuetum, & ita in canendo se gerant, vt in nullo aut dissonent, aut aberrent.

Incepto Officio, aut Missa, nemo à Choro discedat, nisi urgente, & necessaria causa, & tunc statim ad Chorum redire debeat.

Qui autem in aliquo ex supradictis defecerit, illius Horæ, seu sacræ Functionis distributione, aut elemosyna mulctetur, ac si præsens non esset.

Officiū non cursim, sed ea, qua decet, distinctione recitetur, ac interponatur paula in medio, & in fine Versic. ita vt nō relumatur ab alia parte sequens Versiculus, nisi prius terminatæ fuerint omnes voces Versic. antecedētis.

Qui secus recitauerint, distributiones, quas propter Officiū recitandum percipiunt, eò ipso amittant, nec eas possint tuta conscientia percipere, aut retinere, cæteris penis tam à lure, quam in Prædecessorum nostrorum Constitutionibus inflictis in suo robore permanentibus; quiq. huic tam notabili defectui causam dabunt, toties quoties in quauis hora, aut Officij parte errauerint, aq.que mora punctentur, ac si essent absentes.

De Missis Solemnibus, atque alijs Functionibus in Ecclesia Cathedrali, & Collegiatis celebrandis. Cap. V.

Archipresbyter diebus solemnibus, videlicet in nocte, & die Natiuitatis D. N. Iesu Christi, Circumcisionis, Epiphaniæ, Dominica Palmarum, Feria quinta, sexta,

ſexta , & Sabbato Hebdomadæ ſanctæ , die ſanctiſſimo Paſchatis Reſurrectionis, Aſcenſionis , Pentecoſtes, Corpus Chriſti, Apoſtolorum Petri, & Pauli, Aſſumptionis Beatæ Mariæ Virginis, Omnium Sanctorum , ac die Feſto S. Pancratij Miſſam ſolemniter celebret .

Reliquas etiam functiones Episcopales faciat , videlicet Benedictionem Candelarum, Palmarum, Cinerum, Fontium, Ablolutionem Mortuorum, & Delationem Sanctiſſimi Sacramenti .

Miſſam item cantare teneatur, quando memoratas functiones exercet .

Huiusmodi autem Miſſas omnibus diebus Feſtis ſolemnibus prædictis in Eccleſia Cathedrali, vel Collegiata ſolemniter celebrare nunquam omittat .

Quod ſi Archiprebyter abſens fuerit, vel in cura animarum, ac Sacramentis adminiſtrandis detineatur, tunc Dignitas poſt ipſum Archiprebyterum immediatè ſequens, vel Primus Canonicus, & ſucceſſiue per ordinem, functiones eo modo , quo ſupra facere, ac Miſſas canere debeat .

Quando verò Miſſæ in dictis diebus, ac Functiones prædictæ celebrantur, duo ultimi Canonici, vnus, qui Diaconale, alter, qui Subdiaconale miniſterium præſter, Dignitati, ſeu Canonico celebranti ſemper ſeruiant .

Liceat inſuper Dignitatibus, & Canonicis quibuſcūq. in eorum hebdomada, omnibus diebus Feſtis de præcepto Veſperas cum Pluuiali, ac Miſſas ſolemnes cum Diacono, & Subdiacono cantare, quo calu Archiprebyter,

ter, & reliquæ Dignitates, seu Canonici primum, & digniorem locum eis cedere teneantur.

Qui verò parati, seu cum Pluuiali Velperas cantauerint, ad Chorum redire pro recitando Completorio non teneantur, nec ob eâ causam aliquo modo punctentur.

Missas autem priuatas in Ecclesia Cathedrali Dignitates, & Canonici omnes celebrent singulis diebus Festis, hoc ordine seruato, prima Missa diluculò, reliquæ deinceps debito interuallo distribuuntur, vltima circa Meridiem celebretur, ita tamen, vt ante Meridiem perficiatur.

Diebus ferialibus Missa in Aurora, & circa Meridiem celebretur, vt supra.

Missæ autem huiusmodi seruato ordine per Turnum distribuuntur.

Curet verò Canonicus Hebdomadarius, cui incumbit Missâ canere, ne in sua hebdomada Missâ cantare prætermittat, aut ab alio saltem curet in sui defectû decantandâ; quod si defecerit, & legitimo impedimento detētus non fuerit, illius diei distributionibus careat, ac triû etiam Iuliorû in diebus ferialibus, & in festiuis quatuor similiter Iuliorum pœna mulctetur, quam Canonico, qui post eum sequitur, vel cuiuscûque alteri ex Canonicis Missâ pro hebdomadario, vt supra cātanti, irremissibiliter applicamus.

Si verò Hebdomadarius legitimè impeditus fuerit, teneatur eo casu sub eadem pœna Missam cantare Canonicus, qui post eum sequitur, & eo etiâ legitimè impedito, Canonicus, qui circa meridiem celebrare debet.

In reliquis etiam Collegiatis, & Parochialibus Ecclesijs

D

Missæ

Missę ex cuiusq. Ecclesię præscripto perpetuò celebrētur.

De Capitulo Congregando. Cap. VI.

Capitulum pro Capitularibus negotijs, & præcipuè pro consensu in alienationibus in casibus de iure permissis præstādo, ac Laudemijs percipiendis, per diem ante intimetur, & non nisi die Sabbati in loco solito post Vesperas congregetur, & eo casu emolumenta prædicta inter præsentes tantum in Capitulo diuidantur.

Pro alijs diebus non intimetur in posterum, nisi aliquod superueniens negotium, aut alia vrgens necessitas, vel rationabilis causa moram, & dilationem huiusmodi non patiatur.

Aliter Capitulum congregatum pro nullo habeatur.

Si verò Capitulum pro alijs diebus, quam Sabbati ex aliqua rationabili causa, vt supra intimari, & congregari contigerit, eo casu volumus, & mandamus, vt inter omnes Canonicos, etiam absentes emolumenta prædicta, ac alia quæcumque æqualiter diuidantur.

De Archiuio. Cap. VII.

Ecclésię omnes tam Cathedralis, quam reliquę Collegiatę Archiuum, & Sigillum proprium, ac librum, in quo resolutiones capitulares annotentur, habeant.

In Archiuio sint duę Clauēs, diuerso opere elaboratę, quarum alteram retineat Vicarius Generalis, alteram Archiuista à Capitulo singulis annis deputandus, & in

Dicē.

Dioecesi vna ab Archipresbytero , & altera ab Archiui-
sta , vt supra eligendo retineatur . In hoc autē Archiuio
reponi debeant omnia instrumenta, & scripturæ, quomo-
documque ad Cap. spectant de quibus inuentarium fiat .

Archiuista per secreta suffragia à Capitulo eligatur ,
eiusq. Officiū per annum duret , ac de scripturis sibi per
Inuentarium consignandis rationem reddere debeat .

De Residentia . Cap. VIII.

VT Ecclesiæ ob absentiam Ministrorū nullo vnquā
tempore debitis defraudentur obsequijs, Archi-
presbyteris, & alijs animarum Curatis quibuscumq. præ-
cipimus sub pœna Scut. quinque , ac alijs arbitrarijs , ne
Oves suas Mercenariorum more deferentes ab eorum
Ecclesijs, seu Parochijs, quouis sub prætextu abesse præ-
sumant, sine nostra, aut Vicarij Gener. licentia in scriptis
obtinē nec eis licentia prædicta suffragetur, nisi ipsi pro
cura animarum idoneum Substitutum per Vicarium
Generalem approbandum reliquerint .

Dignitatibus item, & Canonicis omnibus, tam Eccle-
siæ Cathedralis, quam reliquarū Collegiatarum, alijsq.
quibuscumque ad personalem residentiam adstrictis, ab
Ecclesijs, vbi iniuncto sibi officio defungi debent , sine
licentia Vicarij Generalis, vt supra quomodolibet abesse
non liceat, aliàs penam Scutorum Trium incurrant .

Diebus Aduentus, & Quadragesimæ, atque alijs solē-
nibus diebus festis, oēs in eorum Ecclesijs resideant, nec
eis licentia, nisi ex vrgenti aliqua causa concedatur .

Impetrata licentia, qui ad Urbem accesserint coram Nobis sub eadem pœna se præsentrare, obtentamq. licentiam exhibere teneantur.

Licentię huiusmodi alijs Canonicis Cathedralis Ecclesię non concedantur, si tribus de Capitulo concessa iam fuerit, nec alijs Canonicis Ecclesiarũ Collegiatarũ concedantur, si vnus illorum, siue sit Archipresbyter, siue alius Canonicus huiusmodi licentiã prius impetrauerit.

Archipresbyteri, ac reliqui animarum Curati, necnon Dignitates, & Canonici quicumq. in domibus suarum Ecclesiarum, siue in Aedibus Canonicalibus ad hunc effectum destinatis resideant, atque inhabitent, nisi aliter per Nos ex aliqua indulgeatur causa.

Aedes Ecclesię sine nostra licentia nemini locetur, aut commodentur: si verò reparatione indigeant, expensis illius, qui in eis residere debet, quamprimum reparentur.

De Pœnis. Cap. IX.

QVI verò in aliquo deliquerit ex his, vbi nulla apposita fuerit pœna, Aureorum viginti quinque, Carceris, priuationis Beneficiorum, maioribusq. ac minoribus pro delicti, & personarum qualitate, ac statu arbitrio nostro pœnis, ac etiam si opus fuerit, Ecclesiasticis censuris puniatur.

Præterea declaramus in singulis Capitibus præsentis Synodi; in quibus nostram licentiam obtinendam esse decernimus, nõ censeri exclusum Vicarium Generalem, nisi vbi expresse in eisdem Capitibus excluditur.

Om.

Omnia denique hæc nostra Decreta auctoritati, & iudicio Sanctæ Sedis Apostol. ea, qua debemus humilitate, & obedientia emendanda, & corrigenda subijcimus.

Io. Carolus Antonellus Vic. General. ad hanc Synodum celebrandam specialiter Deputatus.

G. Vitalis Canon. & Cancell. Episcopalis.

Eadem Die 18. Aprilis 1641.

HÆC omnia Decreta, seu Constitutiones fuerunt per me Notarium, & Cancellarium Curie Episcopalis infra scriptum de mandato Reuerendissimi D. Vic. General. alta, & intelligibili voce lecta, & recitata in plena Synodo coram eodem Reuerendissimo D. in Venerab. Ecclesia Cathedr. ibidem presentibus, & audientibus omnibus Archipresbyteris, & Canonicis tam Ecclesiæ Cathedr. quam reliquarum Collegiarum, & Parochialium totius Diocesis, exceptis Archipresbytero Terræ Neptuni, Archipresbytero Terræ Praëticiæ, & Curato Ardez absentibus, qui per me, &c. de mandato eiusdem Reuerendiss. D. Vic. Gener. de eorum consilio requisiti, & interrogati, an eis dictæ Constitutiones, seu Decreta sic vt supra per me lecta, & recitata placerent, omnes (vno excepto) vnanimiter, & viva voce responderunt, *placent*, cæteraq. omnia fuerunt adimpleta, quæ à Pontificali Romano, sacrosancto Concilio Trid. ac sacris Canonibus præscribuntur; prout latius in peculiari libro huius Synodi. In quorû fidem, &c. hic me subscripsi, ac solito meo signo publicavi.

Loc. ✕ Sig.

*Ita est Ego Gabriel Vitalis Canonicus
Cathedralis Albani Not. publicus,
& Cancell. Episcopalis.*

Tenor verò literarum Eminentissimi, & Reuerendiss. Domini
CARDINALIS BORGIAE
 Episcopi Albanen̄ talis est, et sequitur, videlicet.

Extra. *A Iuan Carlo Antonelli mi Vicario General en me
 Obispado de Albano. Roma.*

Ab alia parte adest impressum Sigillum præfati Eminentissimi D. Intus verò sequitur, prout infra, videlicet.

*He entendido, que han pasado algunos annos sin hauerse
 hehco el Synodo enesa Dioceses de Albano, yentendiendo Yo
 quanto importa que se haga para mayor seruitio de Dios, y
 meyor gouierno delos subditos, y que se conserue la disciplina
 Ecclesiastica enla forma que combiene conto da pureca, me
 hà parecido ordenar à V. S. que luego haga el Synodo, que pa-
 ra ello en virtù de sta carta le concedo toda la autoridad
 neçessaria para todas las sesiones y actos, que combiniere
 obrar tan cumplida como si Yo estuuiese presente; de lo que
 resultare me auisará V. S. para que Yo este informado.
 Dios guarde à V. S. largos annos.*

En Madrid à 8. de Febrero de 1641.

IL CARD. DE BORZAY V.

In pede dictarum literarum sequitur.
Senor Iuan Carlo Antonelli Vicario General.

Ita est Ego Gabriel Vitalis Notarius publicus, & Can-
 cellarius Episcopalis, qui supra, &c.

IO. CAROLVS ANTONELLVS NOB.

Veliternus, V.I. nec non Philosophiæ, & Sac. Theol.
Doctor, Prothonotarius Apostolic. Eminentissimi,
& Reuerendissimi D. CARDINALIS BORGIAE,
Episcopi Albanen Vicarius Generalis.

Vniuersis, & singulis præsentis nostras literas visu-
ris, lecturis, pariter & audituris fidem facimus,
& attestamus, retrospectum Gabrielem Vitalem esse ta-
lem, qualem se facit, eiusq. scripturis fidem semper adhi-
bitam, atque in dies adhiberi in Iudicio, & extra. In
quorum fidem has præsentis fieri iussimus, ac Sigilli, quo
in talibus utimur, impressione muniri. Dat. Albani ex
Ædibus nostræ residentiæ hac die 4. Aprilis 1642.

Io. Car. Antonellus Vic. Generalis.



Ambrosius Fabrius de mandato, &c.

IN.

INDEX CAPITVM, Quæ in hac Diœcesana Synodo continentur.

CONSTIT. SYNOD.

Partis primæ.

Cap.	Pag.
I. De Sacramento Baptismi.	7.
II. De Sacram. Cōfirmationis.	8.
III. De Sacram. Pœnitentiæ, vbi etiã Casus Episc. Albanensi reueruati continentur.	9.
IV. De Sacram. Eucharistiæ.	12.
V. De Sacram. Extremæ Vinct.	13.
VI. De Sacram. Ordinis.	15.
VII. De Sacram. Matrimonij.	17.

CONSTIT. SYNOD.

Partis Secundæ.

Cap.	Pag.
I. De Professione Fidei.	19.
II. De Verbi Dei Prædicatione.	ibid.
III. De Reliquijs Sanctorum.	20.
IV. De Sacris Insignibus.	21.
V. De Ecclesiarum cultu.	22.
VI. De die Festo S. Patricij Mart.	23.
VII. De Sacros. Eccles. & Altarib.	24.
VIII. De Ecclesiarum Veneratione, & immunitate.	ibid.
IX. De Sepulturis.	25.

CONSTIT. SYNOD.

Partis Tertiæ.

Cap.	Pag.
I. De Vita, & Honest. Cleric.	27.
II. De Cleric. Habitu, & Tonf. ibid.	
III. De Conuiuijs per Clericos vi- tandis.	28.
IV. De Ludis, Venationibus, atq. armis prohibitis.	ibid.

V. De Conuersatione Mulierû per

Clericos vitanda, 29.

VI. De Sæcularibus negotijs, & il- lic.

VII. De Sacramentis per Clericos frequentandis.

VIII. De Processionibus.

CONSTIT. SYNOD.

Partis Quartæ.

Cap.	Pag.
I. De Beneficijs simplicibus, & Curatis.	32.
II. De Parochis.	33.
III. De Celebratione Missarum.	34.
IV. De Confraternitatibus, & Lo- cis Pijjs.	36.
V. De Ludimagistris.	39.
VI. De Bonorum, & Turium con- seruatione.	40.

CONSTIT. SYNOD.

Partis Quintæ.

Cap.	Pag.
I. De Officio Archipresbyteri.	42.
II. De Officio Camerarij.	43.
III. De Officio Pœnitentis.	45.
IV. De Chori Disciplina.	46.
V. De Mulsis solemnibus, atque alijs Functionibus in Ecclesia, Cathedrali, & Collegiatis ce- lebrandis.	47.
VI. De Capit. Congregando.	50.
VII. De Archiuio.	ibid.
VIII. De Residentia.	52.
IX. De Pœnis.	52.

ERRORES CORRIGENDI.

fol. vers.	Legitur.	Lege.
3. 10.	sanctionis	sanctionis
14. 5.	debeat	debet
16. 14.	deductis	deductis
21. 15.	feneitrella	fenestella
30. 13.	mercatus	mercaturas

fol. vers.	Legitur.	Lege:
34. 3.	moribundis	moribundos
45. 1.	exigerit	exegerit
cod. 12.	Punctationis	Punctatoris
47. 22.	alique	absque
48. 3.	corpus	corporis

